

LABOR

**Trahadornan
blokia
entrada di
Dump como
protesta**

DIARIO
www.diario.aw
Un Bandera... Un Escudo... Un Himno... Un DIARIO
Telefon 582-6747 • Fax 582-8551 • P.O. Box 577 • Engelandstraat 29 • noticia@diario.aw
CELEBRANDO 33 AÑA CU PUEBLO Aña 34 • No. 100196 • 1,50 Florin DIASABRA 24 JANUARI 2015

Elmar ta desea
su clientenan
Feliz Dia di Betico



Eleccion di Reina cu erornan mahos

Blunder gigantesco a laga publico confundi y desanima

Un anochi cu hopi lo no lubida hamas

ORANJESTAD (AAN): E prome eleccion di reina di Carnaval, bao auspicio di e organizacion nobo di SMAC, a haya critica for di tur skina, y na final pa colmo a socede e blunder di mas grandi, cu a laga publico confundi y hopi desanima.

No tin ningun hende den Aruba Entertainment Center cu a keda satisfecho y feliz cu e evento di Diabierna anochi. Envez di a start pa 7:00 pm, e actividad di mucha a start te casi 7:40 pm, y a caba despues di mey anochi. Pober di e muchanan chikito cu tabata colapse tur den e centro, como cu di mainta nan ta lanta.

E escenario di mas sunu a wordo usa pa Eleccion di Reina, y Aruba no merece esaki. Ta comosifuera a bay bek den epoca di Picapiedra, pero no ta ey so e disgustonan a keda presenta. Publico a cuminsa fada cu soundman cada rato lo a bin cu su coleccion di Carnaval Music di aña 2000 of mas bieu pa toca pa e reinanan aki. Cada biaha mesun cancion tabata ripiti, y esaki no ta e pista di musica cu e candidatanan a trece.

Den dunamento di resultado pa Reina Infantil, dado momento a hera lubida di premia "Best Show". Despues a inventa un estilo nobo pa anuncia e ganadora, cu ni publico a compronde, ni e prins y pancho, y tampoco e candidata.

Despues e mesun modus operandi aki a ser usa pa Reina Hubenil, y aki un problema serio a surgi, ora cu a eligi Reina robez.

Segun huradonan, Reina Hubenil di Carnaval 61 a bira Jenissa Maduro di Pop-



corn Club. Pero prins a saca Keighley Loopstok di Colegio San Antonio como e reina. Despues cu nan tabata poniendo sherp caba, e ora numa e maestro di ceremonia ta bin admitti e fout, pa bisa cu Colegio San Antonio ta prome finalista.

Candidatanan mes a keda confundi riba escenario, otro no sa si tin di yora of no.

Colegio San Antonio mes riba nan Facebook a bisa: "Asina bo ta kibra henter un school su ilusion." Nan a cuminsa celebra, y algun minuut despues ta kibra curazon di 447 alumno y docente.

Aki por mira momento cu ta coronando Jenissa Maduro como Reina Hubenil di Carnaval 61 di Aruba.

CARNAVAL

**Jaidyleen Tromp a bira
Reina Infantil di Aruba**



ORANJESTAD (AAN): Cu un sonrisa grandi riba su cara, aki por mira momento cu Ministro di Turismo ta coronando Jaidyleen Tromp como Reina Infantil di Carnaval 61 di Aruba. Prome finalista ta Qiana Felomina di Grupo Champagne. Esaki a socede despues di mey anochi den Aruba Entertainment Center, y e prome evento di reina organiza pa SMAC. Den DIARIO di awe tin mas di e anochi special aki.



Wilhelminastraat # 81 •
Tel: 582-2207

**Nos ta habri AWE for di
8.30 am pa 6.30 pm NONSTOP.**

